

Bibel fa Kjinja

brinjt junt

De Prins  
vom Riefa



Jeschräwen von: Edward Hughes

Jemolt von: M. Maillot; Lazarus

Toom Pauss jestalt von: M. Maillot; Sarah S; Alastair  
Paterson

Äwasat von: Ed Zacharias

Hääjestalt von: Bible for Children  
[www.M1914.org](http://www.M1914.org)

©2021 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.



Josef wia jestorwen.  
En Ägypten wieren see  
truarich daut äa Leida  
wajch wia. Gott haud  
Josef, een Hebrää,

jebrukt toom  
daut Launt  
von Hunga  
raden.  
Hee wia  
weis un  
beleeft  
jewast.



Dree-hundat Joa vejinen. Josef siene Menschen,  
de Hebrää wieren een grootet Volkj en Ägypten  
jeworden. De niea Kjennich haud Angst daut de  
Hebrää wudden jäajenaun sennen, doawäajen

muak  
hee  
an  
aula

Sklowen.



De Kjennich wia hunjsch met de Hebrää. Dee  
musten groote Städa buen. Oba eendoont woo sea  
dee oabeiden musten, worden see emma mea.




Een Dach kjeem een schlajchtet Wuat vom Kjennich: "Aule kliene Hebrää Junkjes motten em Riefa Niel jeschmäten." De Kjennich wia soo schlajcht, daut hee Bäbes leet dootmoaken, toom wein ja Menschen moaken.



"Waut sell wie doonen?" fruach eene Famielje.  
See läden äa Bäbe en eenen scheenen dichten  
Korf oppem Wota em Riefa.




De Korf met daut scheene Junkje schwomp oppem  
Wota mank daut Schelp. Waut wudd met am  
woaren?



Siene Sesta paust no dän scheenen Korf opp, von  
een Enjskje auf. Daut schwomp mank daut Schelp.



Met eemol kjeemen däm Kjennich siene Dochta met  
Deena nom Riefa. See wullen sikj boden. Nu  
kunnen see dän Korf nich vestääkjen. Veleicht  
wudden de Frues daut nich  
seenen.



"Doo's een Korf mankem Schelp!  
Waut kunn daut sennen?" Däm  
Kjennich siene Dochta schekjt  
een Deena dän holen. Aus  
see dän op-muaken hield  
daut Bäbe. De Kjennichs  
Dochta säd, "Daut's  
een Hebrää Junkje!"



"Oamet Dinkj! Un soo schmock." Ekj jleew de Kjennichs Dochta woat soo to daut Bäbe jerat haben aus Mames foaken doonen. Veleicht haft see uk "Ootchie-gootchie" jesajcht, oba en Ägyptisch.



Gott jeef daut Bäbe siene Sesta besondren Rot.  
See rand no de Kjennichs Dochta, un säd, "Sull ekj  
eene Fru von de Hebrää holen toom am fa die  
besorjen?" Dee säd, "Jo, go." Wäm  
jleefst jinkj see holen?



"Mame! Komm schwind! Spood die!" Ekj weet nich auf see Tiet haud toom sajen wuarom. Beid randen schwind delenjd dän Stich.



Biem Riefa hilt de Kjennichs Dochta noch daut Bäbe.  
"Besorj am fa mie. Ekj woa die betolen. Hee saul  
Moses heeten." En äare Sproak meent Moses  
veleicht: Wota Sän.



Soo kunn Moses trigj nohus no  
siene Elren. See lieeden am woo  
goot Gott wia un wää de Hebrää  
sent. Oba boolt  
wudd hee bie  
de Kjennichs  
Dochta äa  
Paulaust wonen.  
Gott rad sien  
Läwen, un haud  
eenen grooten  
Plon fa am.



De Prins vom Riefa

Eene Jeschicht von en daut Wuat Gottes,  
de Bibel

finjt eenen en

2. Mose 2

"Wan dien Wuat openboat woat,  
jeft daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

